



江北運程卷六提綱

直隸天津府靜海縣歷青縣至滄州境

衛河經靜海縣自碾砣嘴下接天津縣入境起

二里 兩岸 小桑園 海靜

八里 右岸 王家莊 海靜

五里 右岸 新莊口 海靜

七里 右岸 沙窩 海靜

二里 于家堡 海靜

三里 左岸 良王莊 海靜

江北運程 卷六 提綱

七里 何家莊 海靜

五里 右岸 獨流鎮 海靜

五里 于家莊 海靜

五里 左岸 白楊樹 海靜

四里 五里店 海靜

五里 左岸 靜海縣城

五里 五里屯 海靜

五里 馬家莊 海靜

二里 左岸 楊家馬頭 海靜



三里 兩岸雙塘海 靜

五里 兩岸常官屯海 靜

五里 左岸陳官屯海 靜

五里 右岸嵇家莊海 靜

五里 吳官屯海 靜

五里 左岸呂官屯海 靜

五里 左岸唐官屯海 靜

十里 右自碾砣嘴起至唐官屯衛河經靜海縣境計程一百三

里上入青縣界

江北運程

卷六 提綱

二

衛河經青縣自唐官屯下接靜海縣入境起

十里 左岸趙官屯 靜海 青縣

五里 左岸營官屯 靜海 青縣

五里 右岸流河鎮 靜海 青縣

五里 左岸馬廠 靜海 青縣

八里 右岸蔡家莊 靜海 青縣

十里 二十里屯 靜海 青縣

十里 二楊 靜海 青縣

五里 大楊 靜海 青縣

五里右岸青縣城

二里右岸鮑家嘴青縣舊有漳沱河合老漳河自西南來於此注衛河

今堙

三里左岸柳黃屯青縣

五里團魚口青縣

五里左岸談官屯青縣

五里兩岸鷄子口青縣

五里雙廟青縣

五里左岸興濟鎮青縣有北減水河

江北運程

卷六 提綱

三

五里石家樓青縣

十里安都寨青縣

右自唐官屯起至安都寨衛河經青縣境計程一百八里

上入滄州界

五里青縣

三里青縣

今廢

二里青縣舊有漳沱河合老漳河自西南來於此注衛河

五里青縣

江北運程卷六

甘泉董恂醜卿甫輯

直隸天津府靜海縣歷青縣至滄州境

衛河經靜海縣自碾砣嘴下接天津縣入境。

畿輔義倉圖靜海東北境有良王莊倉。埝坨嘴西南距倉二十里。恂按即天津境之碾砣嘴也。兩縣分轄以河為界。天津府志言靜海縣北路有西埝舵嘴亦即此。詳前卷末。

二里。兩岸小桑園靜海

天津府志靜海縣北路七十一村莊有西埝舵嘴有桑園有東

桑園。畿輔安瀾志靜海縣河道東岸南自唐官屯接青縣界。歷

江北運程

卷六

一

呂官屯東釣臺陳官屯長屯雙堂增福堂南閣北閣五里莊李家院白楊橋善義庵于家鋪良王莊木廠西岸南自趙家窪接青縣界。歷古城窪西釣臺花園河灘劉家營王家營與賈口橫隄接連。獨流下圈胡家村當城村辛口並轉東至碾砣嘴北入天津縣界。計長一百一十六里。河身寬十丈至十六丈。深二丈。畿輔義倉圖靜海縣東北境有良王莊倉。運河右岸桑園西南距倉二十里。左岸桑園西南距倉十八里。

八里。右岸王家莊靜海

天津府志靜海縣北路有王家莊。畿輔義倉圖王家村東南距

良王莊倉十二里。

五里。

右岸新莊口。靜海。

天津府志靜海縣北路有辛莊。川瀆異同靜海縣北二十里至

獨流河。又二十里為新口。爾按畿輔義倉圖有辛口。當城村在

辛口之西。畿輔安瀾志言衛河逕靜海縣城西。又北流逕當城

寨。又言靜海縣河道。西岸歷當城村辛口。當城蓋與辛口接壤。

方輿紀要言當城在靜海縣北六十里。宋之當城砦。宋咸平中。

議者以北河可涉。宜有城守以備北邊。詔築城其地。謂之當城。

郭謐曰。決黃河御河之水下注當城是也。九域志言當城砦在

江北運程

卷六

二

乾甯軍北一百二十里。畿輔安瀾志辛口在獨流北二十里。運

河東岸也。

七里。

右岸沙窩。靜海。

天津府志靜海縣北路有大沙窩小沙窩。王存元豐九域志沙

窩砦在乾甯軍北一百四十里。爾按安瀾志引畿輔義倉圖大

沙窩西南距良王莊倉十六里。小沙窩西南距良王莊倉十五

里。

二里。

于家堡。靜海。

天津府志靜海縣北路有于家堡。

三里。左岸良王莊。靜海

天津府志靜海縣北路有良王莊。畿輔義倉圖靜海縣東北境

運河左岸有良王莊倉。自桑園而西南有高家莊。西南距倉十

五里。又西南馮家莊。距倉十三里。又西南木廠。距倉十二里。又

西南胡羊莊。距倉十里。又西南倪家園。距倉八里。又西南郭家

莊。距倉五里。

七里。何家莊。靜海

五里。右岸獨流鎮。靜海

靜海縣志獨流鋪。在縣西北十八里。即獨流砦。一統志獨流砦。

江北運程 卷六

在靜海縣北。川濱異同。靜海縣城北。又北二十里至獨流河。九

域志乾甯軍領砦六。釣臺。在軍北六十里。獨流北。獨流東二砦。

俱在軍北一百二十里。按安瀾志引此作獨流當城。在軍北

一百二十里。安瀾志引此作沙渦。在軍北一百四十里。安瀾志

沙窩在軍東北一百四十里。百萬。在軍北一百五十里。安瀾志引此作在軍

方輿紀要獨流河。在青縣北。舊志云黃御河支流。自興濟縣按

今興濟鎮北流經縣境。又北流入於易水。謂之獨流水。九域志云乾

甯軍北百二十里有獨流口。五代周顯德六年。親征契丹。自乾

甯軍御龍舟而北。至獨流口。泝流西至益津關。是也。宋熙甯九

年高陽關言信安乾甯塘濼因獨流決口不收。至今乾涸。命有司相視。元豐四年。河決澶州小吳口。北流入御河。合西山諸水。至清州。獨流砦三义口入海。舊時河流甚盛。其後黃御分流。遂至淺塞。畿輔安瀾。志御河流至靜海縣入潮河。宋曰界河。太平寰宇記。御河在乾甯軍乾甯縣南一十步。每日潮水兩至。其河從滄州南界入本軍界東北一百九十里入潮河。合流而東七十里於獨流口入海。宋史河渠志。御河自通利乾甯入界河。達於海。禹貢錐指。靜海縣境有界河。亦曰潮河。卽滹沱拒馬易水所會。自文安縣流逕縣西北合衛河入海。塘濼旣興。文安大城

江北運程

卷六

四

之水多入白河。其行界河者惟漳衛耳。獨流口在縣北二十里。

劈地口在縣東北。

宋史河渠志元豐三年李立之相視河流至乾甯軍分入東西兩塘次入界河於劈地口

入海通流無阻

又東爲三义口。一統志古界河在靜海縣西北亦曰潮

河。古爲滹沱易水拒馬三水匯流處。自文安縣流入合御河。今大城文安之水皆會於武清縣三角淀。入白河。不入衛河矣。又天津縣新志據宋史河渠志王亞言海口三女砦。天所以限契丹。宋遼分界。當在今之直沽。所謂天津河亦當在此。今考亞所言。統自界河至入海口言之耳。一統志云。三河砦在靜海縣東北。宋初置三女砦。屬滄州。政和二年改曰三河水。經注。清河東

北運窮河邑南俗謂之三女城。三女砦之名因此。方輿紀要又謂之獨流河。今青縣有黑龍港河。分東中西三支。合注於大城縣入子牙河。宋史河渠志。卽以爲緣邊諸水。疑卽界河之上流。御河入界河之後。卽由天津達海。更無二道。則界河卽潮河審矣。一統志。獨流口在靜海縣北二十里。太平寰宇記。御河合潮河東北至獨流口入海。按九域志。宋史河渠志。皆以獨流口爲御河入界河之處。太平寰宇記。則以爲御河入海之處。蓋入海處其東口也。又明統志。有獨流河。在興濟縣北。至靜海縣四十里。畿輔安瀾志。獨流口在靜海縣西北十八里。謹案一統志。

江北運程

卷六

五

云九域志。宋史河渠志。皆以獨流口爲御河入界河之處。寰宇記。則以爲御河入海之處。蓋入海處其東口也。今考東口名曰三义口。考宋史河渠志。元祐四年。范百祿言。案行黃河獨流口至界河。又東至海口。百祿所言海口。卽一統志之所謂東口也。是時或未有三义口之名。至大觀二年。都水使者吳玠言。自元豐間。小吳家口決。北流入御河。下合山西諸水。至德州獨流砦。三义口入海。於是始有三义口之名。一統志疑九域志。宋史河渠志。與寰宇記有異。同。蓋宋時御河由界河入海。經獨流口至海口。統名之曰獨流。而不曰三义。禹貢錐指。獨流口在靜海縣北。

二十里。劈地口在縣東北。又東爲三义口。敘次最爲分曉。天津道陳宏謀南運河自獨流楊柳青至天津西岸不宜築隄說畧南運一河會衛汶二河之水。益以漳河之水。同爲濟運。蜿蜒數千里。至天津而歸海。沿河兩岸皆築隄以束之。有不啻重圍外衛然者。固以防其漫決。亦以漳濁所過。若不束之。使速歸海。水緩沙停。立見淤淺。運漕之艱阻久矣。惟靜海之獨流鎮至楊柳青四十里。東岸有隄而西岸無隄。又自楊柳青至天津三十五里。東岸有隄。西岸只有商人捐築小埝。高不過三尺。官不請修。民不加築。由來久矣。前道張公坦熊曾有立碑道旁。永不許築

江北運程

卷六

六

隄之請。兩臺批下再查。張公以陞任去。余適承乏此間。熟察形勢。證之往事。乃知張公實爲遠見。蓋緣天津海河爲南北衆水所歸。獨流楊柳青一帶。東近運河。西連淀池。潮汐一日兩至。夏秋汛發。南北諸水匯歸天津。四望瀰漫。驟難歸海。正賴此無隄之岸。運河水大聽其洩入淀池。稍爲停頓。以待天津諸水暢流入海。河淀之水。仍可以次歸海。每屆白露以後。夾沙擁泥。迅駛而行。運河既無淤淺。村莊亦免沖決。則此七十餘里無隄之西岸。卽運河之天然滾水大埧也。余就此議覆兩臺。已檄下屬縣遵照矣。竊嘗論之。治運河之道。有無隄之患。有有隄之患。蓋淹

沒爲災。非隄何以障之。淤阻可虞。非隄何以束之。獨流迤南是也。無隄則散緩無力。而無潰決之憂。無隄則盈科後進。而得蓄之利。獨流迤北之西岸是也。况天津地濱大海。形同釜底。水至獨流。勢同建瓴。毋論其非隄所能堵。卽幸而能堵。而尾閘有阻。上流奔赴。天津一帶。適當其衝。城郭人民。所關甚鉅。故前人獨於此處不設隄防。非偶忘之。乃所以慎之也。非竟棄之。乃所以取之也。畿輔通志。獨流淺。在青縣北。卽宋獨流口也。黃御支流。經此而北。亦曰獨流河。今此地多蒲葦之利。畿輔義倉圖。靜海西北境。運河右岸。有獨流鎮倉。

江北運程

卷六

七

國朝孫嘉淦獨流建牐不便。疏直隸河道。上游多有壅滯。由下游未能宣暢。修濬之方。必須通盤計筭。酌定成規。前經臣委清河道魯之裕。候補道張廷校。候補府張文炳。分勘七八月間。臣往查驗。今該員等分查上游諸水。頗有端緒。而下游河淀會合入海之道。果否深暢。以及獨流建牐引南運河別行入海之處。未經勘明。此係通省河淀緊要關鍵。必須親勘。驗謹擬七月初八日。自保定起程。前往尋經親勘。覆奏直屬河隄。屢年潰決。積水壅滯。臣以天津城外三岔河。中南運北。至北運南。來淀河東注。交會於此。北運淀河。俱係清流。而南運渾濁。惟恐濁水力強。有礙清水出口之路。又南運會合之後。海水亦成濁流。土人每言白露以前。海不收水。惟恐濁流停滯。則爲患甚大。是以擬於獨流地方。建牐開河。引南運由中塘窪別行入海。則淀河清流。宣洩更暢。今臣至三岔河岸。細觀清水之力。強於濁水。能使濁水盤旋紆回。而後合流。查今秋正南運河水大時。猶且清強濁弱。其並無礙於淀河。可知至海河水甚湍急。加以潮汐蕩刷。雖有沙泥。斷不能停。况中塘窪東地勢漸高。而窪中之水。與天津城南諸泊相通。

設插開河反灌諸泊將來天津靜海水患更甚既為無益又屬難行應停止毋庸再議恂拔此奏在乾隆四年大學士九卿議如所請沈聯芳論邦畿水利事宜一津靜運河西岸宜設隄防也南運河兩岸均有大隄獨西岸自獨流鎮以北至天津張觀察坦熊創不可築隄之議良以運河遇盛漲正賴此無隄之岸聽其洩入淀池免致漫溢耳桂林陳相國宏謀為監司時正接張觀察之手謂是為運河天然滾水大堤因而仍之且為之諛以宣不可築隄之故前哲經畫之善識遠慮周永堪師法獨是當日之洩運入淀其時淀池深廣是以停蓄翕受津城既無沖突之慮運河亦免泛溢之患是當日固必不可有隄也今淀池淤積殆滿西來之水已難容納水漲則東漫歸遲以故嘉慶六年淀水穿運而過靜邑東隄亦被沖刷數處不惟不受淀池容蓄之利反受淀池橫決之害自宜有以障之使淀自淀而運自運各不相入乃可保漕艘經行之道然亦必得添權家口減河庶運河方免漲溢且必得修復隔淀疊道庶淀水不能東漫此數處工程缺一不舉不能有濟也自獨流鎮至楊柳青四十里自楊柳青至天

江北運程

卷六

津三十五里皆當接築大隄此今昔情形不同之處也明倪敬過獨流淺詩獨流清曉發高下亂帆檣潮入雙塘淺風高孤樹怕荒祠煙火斷遠戍角聲長男女勤生計蘆簾緝野塘張甯夜宿獨流詩霽月中天見釋河黃流滿地漾金波荒坡野火兼漁火短樞吳歌雜楚歌去雁已連家信遠間鷗豈識客愁多江南二月花如錦獨負歸期奈爾何國朝劉文煊曉過獨流渡寄姪浩基詩蝻蚌郭索名百種未箋爾雅先流涎年來絕有畢公癖登盤不羨侯鯖鮮雁飛八月糴種熟橫行介土來沙田一朝失勢擁泥草磊磊落落紛鈎連憶昔停棹獨流渡自炊楓葉臨清漣桃花醋冷蜀薑蕪團臍大嚼矜便便歸從漂榆臥晚晚充廚入跪無由緣泥沾葛沽亦產此小邾邾莒難隨肩昨朝霜信到門外黃花老圃攬金錢持螯左手計未得清夢已落當城邊人生適意杯酒耳挂帆直欲衝秋煙阿咸儻餉十數輩急呼滄釀浮舫杯張邨市冷神鴉千點廟門秋支離欲蓄三年艾浩蕩誰馴萬里鷗此去蓬山應不遠只愁風力引飛舟恁按獨流船山詩草作瀆流尹耕雲哀獨流詩廬山子孫有奇節獨流誓師目眦裂

天愁風慘日西匿羣鬼啞啞嘆人血使總戎各灰色躍馬
踰溝手搏賊獄中死囚劉繼得勇氣咆哮一當百一日身親
數十戰誓掃黑山馘飛燕宰相棄甲臨洛關保障京師天津
縣仲冬之月日在子大帥潛行出營壘壞雲四壓礮聲起
將軍馬蹶於水謝尹身翼終將軍要害七創與俱死相春
夜過獨流詩當年猛噬肆躡騰濠塹全無險可憑萬馬垂頭
寒齒雪千夫墮指夜敲冰負戈茹血悲風疾挾纜
銜恩暖日蒸鬼烏宵嘯烽火碧重游那不振霜磨

五里 靜海 于家莊

五里 靜海 白楊樹

天津府志靜海縣北路有前白楊樹後白楊樹恂按畿輔義倉

圖作白羊樹前白羊樹西距獨流鎮倉七里後白羊樹西距獨

流鎮倉五里

江北運程 卷六

四里 靜海 五里店

天津府志靜海縣西路有五里店恂按五里店南舊有權家口

河畿輔安瀾志言權家口河首起靜海縣城北三里運河東岸

正雍正初運河決權家口北趨天津縣怡賢親王議即決口開河

引流東北至白塘口入海河歸海以洩運河盛漲既施工而中

止今漕畿輔義倉圖城西五里莊西北距獨流鎮倉十一里

五里 左岸 靜海縣城

北河續紀靜海縣本宋窩口寨縣治在運河東岸一統志靜海

縣在天津府西南七十五里東西距二百里南北距百里東至

海一百六十里。西至順天府大城縣界四十里。南至青縣界四十里。北至順天府武清縣界六十里。東南至滄州界七十五里。西南至青縣治九十里。東北至武清縣界七十五里。西北至順天府霸州治一百二十里。本漢章武東平舒二縣地。宋爲清州。窩口砦。金明昌四年。以其地置靖海縣。仍屬清州。元至元二年。并入會川縣。尋復置屬清州。明洪武初改靖曰靜。七年改屬河間府。本朝初因之。雍正三年改屬天津州。九年屬天津府。圖志靜海縣。衝繁疲難。東北至府七十五里。有子牙獨流二鎮。巡檢駐獨流。一統志靜海縣城。周六里。門三。濠廣二丈八尺。本

江北運程

卷六

十

朝乾隆十二年重修。川瀆異同。雙塘又東北十二里。經靜海縣城北。畿輔安瀾志。唐官屯入靜海縣境。又北流。逕縣城西。靜海縣志。縣密邇三津。作海防之門戶。往來萬舸。縮漕運之咽喉。恂按。薈言。靜海縣東百二十里有鹹水沽。出海要地。屯軍戍焉。大小直沽。丁字沽。皆在縣地。今考其地。皆隸天津縣。薈所言。蓋據天津未置府縣以前言之。北河續記。靜海縣主簿河道南。接青縣釣臺淺起。北接天津衛稍直口止。共一百三十里。霸州河道三里。係霸州委官管理。河道南接靜海長屯起。北接靜海觀音堂止。共三里。

江北運程

卷六

明會榮過靜海詩朝來過靜海歸路有三千吟几添新句行
 囊只舊氈水禽飛傍客河柳遠迎船注日淮南道龍峯隔楚
 煙又宿靜海僧寺同侯主事詩皇華千里客何意此相逢
 水郭春光早郵亭柳色濃偶因牛渚棹來聽虎溪鐘明發孤
 舟別相思隔幾重瞿伯過靜海詩古縣臨河口遺民住岸
 傍荒田多廢棄破室半逃亡薄薄沽來酒低低坐處牀舟人
 知往事相對語偏長張維新登靜海樓詩飛樓一縱目
 海國氣雄哉日上三山出天空五壘開樹平隨野閣帆正入
 窗來咫尺津門近登臨第幾回徐石麒夜發靜海抵直沽
 作不黍高低弄夕曛檣燈零亂破黃昏樹蒸夜氣三分雨帆
 掛秋風一葉雲靜海金鉦傳古戍直沽牙閫駐新軍轉輸已
 極東南力何日辰韓始策勳國朝王薛登靜海城樓詩縹
 緲飛樓壯登臨放眼睎浪搖滄海日晴抹碧天霞九派河流
 遠諸村樹影斜白雲遙望合迢遞憶吾家毓奇舟過靜海
 卽景詩輕帆高挂堆城東收盡殘霞一片紅淺水人看篙打
 月逆流船與浪爭風三更入破戍樓笛一字驚寒沙浩鴻極
 目詩情最蕭散漁燈明滅亂流中查學禮靜海道中詩策
 蹇平沙道春風共往還一叢花似錦數曲柳如環村酒家家

熟柴扉日日閒笑余行役者何事負溪山劉文煊靜海官
 齋與姪浩基話舊詩班馬聲何數飛龍翼竟乖五年違小院
 一夕臥高齋庭接雙槐影城荒十字街清風鳴野鶴京月沸
 官蛙蕭索仙郎署妻其過客懷無家勞轉徙漸老惜筋骸白
 日誰能繫浮雲不可排憂來難遣空道酒如淮范凌夔
 靜海縣曉發詩殘星明數箇襟上薄寒生海色蒼連岸河聲
 曉撼城客長期雁伴詩苦學蛩鳴且喜
 帝鄉近無勞更計程彭蘊章聞官軍收復靜海作四首崔苻萬
 衆起南蠻吳楚塵連幽冀間只為黃巾甘作孽豈因黔首性
 成頑江干鴻雁飛鳴苦塞下貌貅戰陣爛三月虜兵收一邑
 津沽南望血流殷二分明月夢揚州臘鼓聲中兵氣收已見
 牙旗附城郭還聞戰艦泊江洲雷塘柳色春千里瓜步人煙
 草一邱東望陣雲連鐵甕滿川烽火使人愁鍾山一載駐雄
 軍報捷音書久不聞文面健兒無鬪志白頭老將本超羣清
 流關險吹殘角采石磯寒送夕曛咫尺皖江脣齒尚鼓鞞聲
 裏雪紛紛毘陵南去是吾鄉鶴唳風聲歲月長梅里山川張
 俗儒蘇臺鹿霸圖荒忽驚海角紅塵睇遙望城頭黑幟張
 欲洗蛟腥先禱穴水犀萬甲駕餘腥吳雲次靜海詩縣郭

依春水牽船過夕陽。行行芳草路不絕。梨花香雲氣溼垂。兩
風聲柔翦柔低。徊雙燕子有夢入雕梁。相春靜海道中詩
夾路蒼葭開白茅。水邨不避亂流交。纖纖一月丹霞外。騎驛
孤帆碧樹梢。慙塊驕驕容就埒。投林健鶻不知巢。荒城鞞鼓
無驚日。猶覺征夫望眼遙。又暫寓靜海雨夜作。擊柝警烽
煙荒城潑墨天。鄉心茅店雨。兵事葛沽船。填海雖無濟。囊沙
有自傳。長江如可斷。慎勿笑投鞭。

五里。五里屯。靜海。

五里。馬家莊。靜海。

二里。楊家馬頭。靜海。

天津府志。靜海縣南路。有楊家馬頭。畿輔義倉圖。靜海縣南境
運河東岸。有陳官屯倉。楊家馬頭南距倉七里。

江北運程 卷六

三里。兩雙塘。靜海。

天津府志。靜海縣南路。有西雙唐東雙唐。方輿紀要志云。出靜

海縣南十五里有雙塘渡。川瀆異同流河驛。又六十里至雙塘。

輿程記。唐官河屯。又四十里至雙塘兒。畿輔義倉圖。運河右岸

正有西雙塘。左岸有東雙塘。均東南距陳官屯倉十一里。

五里。兩常官屯。靜海。

畿輔義倉圖。運河右岸有西長屯。左岸有東長屯。均東南距陳

官屯倉五里。

五里。左陳官屯。靜海。

天津府志靜海縣南路有陳官屯畿輔義倉圖靜海縣南境運河東岸有陳官屯倉其長八十六里東岸自陳官屯至南境

國朝崔旭陳官屯早發詩此去竟何事苦寒猶早行雪隄尋有路河水凍無聲風起荒雞斷星垂曠野晴前邨沽酒處鐘火尙殘更

五里右岸稽家莊靜海

恂按天津府志靜海縣南路有紀家莊畿輔義倉圖運河西岸

紀家莊東北距隔河陳官屯倉八里疑卽此

五里吳官屯靜海

五里左岸呂官屯靜海

江北運程

卷六

三

天津府志靜海縣南路有呂官屯畿輔義倉圖呂官屯北距陳官屯倉十二里

五里左岸唐官屯靜海

天津府志靜海縣南路有唐官屯輿程記流河驛東北二十里

有唐官河屯畿輔安瀾志逕流河鎮東又東流逕唐官屯入靜

海縣境謹案靜海縣河道東岸南自唐官屯接青縣界西岸南

自趙家窪接青縣界又運河隄靜海縣東岸張字號共長一百

十六里西岸列字號共長八十六里東岸自馬廠起至陳官屯

計四十六里分七十六段險工三第四段迎溜曰佟家樓官樓隄第十五段掃灣陡立曰李

振基屯河岸第二十六段頂
沖回溜曰西漫散官縷隄
西岸自趙家窪接本汛至曹家疙

疸計二十里分二十四段險工二
第二十月段埽灣頂沖曰鈞臺
北月隄第二十一段迎溜曰

鄒家嘴
河岸東岸自陳官屯起至田家隄止分五十三段險工三四

十四段埽灣曰宮家縷隄第四十八段埽灣曰
五里莊官縷隄第四十九段埽灣曰韓家縷隄西岸自曹家疙

疸起至大井止分七十四段險工七
第十段頂沖埽灣曰程家
縷隄第十五段頂沖埽灣

曰蕭蘆縷隄第二十三段埽灣曰莫家縷隄第三十七段頂沖
曰逢家院縷隄第五十二段頂沖埽灣曰大谷縷隄第六十七

段頂沖埽灣曰小劉家縷隄第七
東岸自田家隄起至碾坨嘴
十四段頂沖埽灣曰喬家縷隄

分四十段險工二
第二段埽灣曰蕭家樓村南土埧
第二十九段埽灣曰王成龍縷隄西岸自大

井起至碾坨嘴分六十六段險工五
第十段頂沖埽灣曰大
劉家縷隄第二十九段

江北通程 卷六

頂沖埽灣曰曹家縷隄第三十五段迎溜頂沖曰孫家縷隄第
四十三段頂沖埽灣曰臧家縷隄第五十八段埽灣曰桑園後

縷續行水金鑑靜海縣志運通東南賦稅上游慮其淺而淤至
隄

靜海則慮其衝而決蓋衛源一派其勢小至青縣則滹沱從完
固口分派來河而達於衛兩河交流其勢始大且靜居九河下

流地勢最窪靜邑水程一百二十四里淺鋪八內有口岸四十

二處額設淺夫六十名管河主簿每歲春初開工率夫逐處修

補至七八月未遑告竣而大水時至防禦立窮非督修之不力

工長人少故也今考靜海自雍正三年撥縣東北十五村莊歸

天津縣屬故河道隄堰與諸書所載不同今城西河身勁直所

在頗號平。工且濶漳二水不由鮑家嘴者已數年。而上游一帶減水。插河又分其勢。乾隆八九年間。兩岸月隄。歷汛放淤。化險爲平。及今伏秋防守如常。要與昔時工長人少之勢異也。畿輔義倉圖。靜海縣南境。運河東岸。有唐官屯倉。

國朝查舉禮唐屯舟夜詩。路入唐屯趁夜行。船頭吹角月三更。依稀記得年來事。燈火樓臺笑語聲。原註：去年過此。適村社賽會。陳鍾祥唐官屯旅邸見壁間。端州馬氏所錄。連鎮題壁四首。槍然有觸。因用其韻。試望平林落日昏。河流縈帶入孤村。金戈鐵馬千軍氣。碧血黃沙萬鬼魂。荒草幾堆埋白骨。枯楊半樹倚朱門。行人欲問當年事。尚有蕭蕭故壘存。回首中原殺氣多。紅巾五月渡黃河。將軍百道朝飛檄。士卒三年夜枕戈。化鶴魂歸千里外。啼鴉淚盡幾人過。山川到此增蕭瑟。杲日寒沙意若何。弓刀氣肅拜賢王。貫日精誠動九閭。奔虎不教終兔脫。脫山蛇誰敢逞鯨強。封餘京觀人皆慰。變後

江北運程

卷六

五

滄桑土亦香。獨惜長城偏倚重。戈鉞未許靖南方。厭亂心終欲問天。人間鬼劫定。矜憐重重。鯨浪三千丈。處處狼烽又幾年。遙聽地中鳴鼓角。徒聞海外幻雲煙。紅毛長髮今如蝟。立馬臨歧一黯然。稻春唐官屯詩。猶覺秋陽熾。偏逢驛路長。風緘蟬翼緊。沙壅豆苗荒。渡口聞漁艇。吟眸豁鹿場。槐陰叢故老。聊與話滄桑。

右自碾砣嘴起至唐官屯。衛河經靜海縣境。計程一百三

里。上入青縣界。靜海縣河道自東北境下。接天津西行。稍南。至趙家窪。止計程一百四十四里。蔚州所轄河道。隄岸

皆汭流。南至趙家窪。止計程一百四十四里。蔚州所轄河道。隄岸

六處。共計程二里。入分錯落於靜海縣境內。曰盧家口。曰文安縣界。程家口。曰大城縣界。程家口。曰蘇家口。曰馮家

口。曰北蘇家口。舊皆天津天衛之東岸也。又按萬里雲程。桑園兒十里。王家莊十里。大門樓十里。大王莊十里。濱牛

鎮八里。王家樹五里。五里店五里。靜海縣城十里。馬家莊五里。雙塘五里。常官屯五里。陳官屯七里。王官屯六里。呂

官屯六里吳官屯七里唐官屯計自桑園兒至唐官屯共一百九里萬里雲程又言大門樓又名梁家莊瀆牛鎮卽

衛河經青縣自唐官屯下接靜海縣入境起

十里。左岸趙官屯。靜海青縣

畿輔義倉圖靜海縣南境運河東岸有唐官屯倉其北夏官屯

南距倉二里其西南長張屯東北距倉三里又西南大張屯距

倉四里又西南只官屯距倉六里又西南趙官屯距倉八里又

西南靳官屯距倉十里又西南李振基屯距倉十八里夏官屯

對河西岸趙家窪東南距倉七里南按此與青縣東北境趙家窪當是一地兩屬詳下嘗官

江北運程 卷六

六

屯。又西南翟家圈東稍南距倉六里。又西南姚家莊東北距倉

十里。

五里。左岸嘗官屯。靜海青縣

恂按畿輔義倉圖靜海縣圖運河東岸唐官屯倉之南列只官

屯趙官屯天津府志靜海縣南路村莊亦有只官屯趙官屯之

名蓋兩屯仍屬靜海西岸地缺則入青縣境矣青縣圖運河西

岸流河鎮倉之北濱河各村莊由西南而東北開列距倉里數

曰小屯三里程家莊五里曲家莊八里尙莊九里馬集十里張

官屯十二里林家莊十四里新莊十六里魯新莊十七里趙家

窪二十里。此與靜海圖內之趙家窪蓋一地兩屬。東岸地缺則靜海之趙官只官

諸屯也。紀程宜列趙家窪以上諸地名。庶便稽考。此姑沿水程

細數單之舊。

五里。右岸流河鎮。青縣

天津府志青縣北路六十七村莊有流河鎮。一統志流河鎮在

青縣東北三十里。衛河西岸。青縣志流河鎮。卽流河水驛。畿輔

安瀾志衛河。逕青縣城東。又北流。逕流河鎮東。畿輔義倉圖青

縣東北境。運河西岸有流河鎮倉。

國朝查學禮晚泊流河驛詩一葉棲何處黃昏泊淺灘漁燈穿樹細秋月漾波寒夢繞關河迴心隨驛路寬權歌中夜起

江北運程 卷六

七

離思渺無端。霍旭過流河詩。曲折長河水迴旋。鼓柁行岸。預邨舍近風利。布帆輕。世事豈能料。吾身方遠征。老年激昂。

意未見。愛浮名。

五里。左岸馬廠。青縣

天津府志青縣東路一百十八村莊有馬廠。畿輔安瀾志謹案

青縣運河東岸南自滄州褚官屯擺渡口起。入縣境。于官屯周

官屯馬廠止。北入靜海縣之唐官屯。長五十九里。西岸南自滄

州褚官屯擺渡口起。入縣境。戴家莊。胡家嘴。少西過鮑家嘴。齊

家圈。流河鎮。林家莊。翟家圈。北入靜海之趙家窪。長一百二十

一里。河面寬二十三丈至二十七丈。深一丈四尺至一丈九尺

不等。畿輔義倉圖。運河東岸馬廠鎮。西北距對岸流河鎮倉四里。

八里。右岸。青縣。蔡家莊。

天津府志。青縣東路有蔡家莊。畿輔義倉圖有北蔡家莊。中蔡家莊。南蔡家莊。在流河鎮倉西南。東北距倉一五里一六里一

八里。

十里。二十里屯。青縣。

十里。二楊。青縣。

五里。大楊。青縣。

江北運程。卷六

五里。右岸。青縣。城。

北河續紀。青縣治在運河西岸。一統志。青縣在府西南一百六

十里。東西距六十七里。南北距一百四十里。東至靜海縣界四

十里。西至順天府大城縣界二十七里。南至滄州界九十里。北

至靜海縣界五十里。東南至滄州界三十里。西南至交河縣界

七十里。東北至靜海縣界四十五里。西北至大城縣界四十里。

漢置參戶縣。屬勃海郡。後漢省入章武縣。隋為長蘆魯城二縣

地。唐乾甯中置軍。五代晉天福初地入遼。置甯州。周顯德六年

收復。仍曰乾甯軍。并置永安縣為治。宋初軍廢。屬滄州。太平興

國七年復置乾甯軍并改永安縣曰乾甯熙甯六年省縣爲鎮
元符二年復置縣崇甯三年又省縣大觀二年升乾甯軍爲清
州政和三年賜名乾甯郡五年復置乾甯縣金仍曰清州屬河
北東路貞元元年改縣曰會川元太宗二年改州曰清甯府七
年復曰清州屬河間路明初省會川縣入州洪武七年廢清州
爲青縣屬河間府本朝初因之雍正三年改屬天津州九年
屬天津府圖志青縣衝繁疲難東北至府一百六十里有興濟
長蘆杜林磚河范橋流河六鎮巡檢三駐興濟杜林流河蒼叢
青縣有蒲葦之利有勞地宋元豐中李立之言河決自乾甯軍
江北運程

卷六

劈地入海故名一統志青縣城周五里門三濠廣二丈宋時所
築本朝乾隆十三年重修青縣志縣中山傑豎衛水滌洄北
河續記青縣主簿河道南接清河磚河淺起北接靜海新莊淺
止共一百七十里行水金鑑興濟廢縣歸併青縣河道南接滄
州安都寨起北接天津衛八里堂止共四十八里

明尹耕詩并序青縣館在河干朔野子宿焉泊舟賦天外帆
一篇天外帆何翩翮海鷗沙鶴同流連晴空弄影水花亂陰
晝搏風地軸旋蜀纜吳檣幾千里上瀨鳴灘自鄰比官網橫
被垂天雲私艇斜行貧市第官網私艇日來往爲問東風今
幾兩得時真不羨鴻毛失勢終須賴檣檣蘆臺小邑障江側
作館臨江闕月色月華漸上簫鼓停帆集西臯森列戟我來
待月升其堂干旌宛在堂東牆侵曉悠悠自來去畫圖何減
懸瀟湘畫圖可羨亦可嘆世事人情幾更換岸頭歷歷百丈

夫終歲無衣月無粢已牽軍器重如山更放冰鮮疾似礮廟
堂盡是舟楫才誰向江干念荒旱季時勉青縣遇舊詩晚
過小邑暫徘徊舊友相邀醉一杯高枕西風隨棹去不知明
月上船來國朝朱彝尊青縣同高大佑鈇兩泊詩黃河秋
潦急羣盜正紛紛去遠驚秋半愁多語夜分空城寒更兩哀
角斷還聞正值南飛雁嗷嗷度海雲吳雯次青縣題壁詩
去年九月長安來鯉魚風起船旗開今年三月舊山去馬上
綠楊掠飛絮舊山風景復何如昨日家人有報書當門萬里
崑崙水千里桃花尺半魚霍旭夜泊青縣詩醉別津門去
南歸一日程孤鐙照水宿近郭見雲生刺促還鄉計遲迴用
世情鄰船人盡睡倚枕獨聞更

二里右鮑家嘴青舊有漳沱河合老漳河自西南來於此注衛河
今堙

天津府志青縣南路一百五十五村莊有鮑家嘴畿輔通志鮑
江北運程 卷六 二

家嘴在青縣南二里畿輔安瀾志衛河又北流逕青縣城南舊
有漳沱河合老漳河自西南來注之今已斷流又北流五里逕

縣城東又漳沱故道其自獻縣完固口東流逕交河縣界至青
縣杜林木村與漳河匯流入衛卽漢志所謂別水也方輿紀要
漳沱河在

青縣南三十里自交河縣流入境合於衛河其合處為岔河口並流而經縣東水勢洶湧闊數十丈又漳河故道
其正流自南宮縣東南之馬村北冀州志此是山東邱縣東逕
行之一支所謂老漳河也

棗強縣之東北與河間府故城縣接界北入武邑縣之東南又
北逕景州西又北逕吳橋縣東又北逕東光縣西又東北逕阜

城縣西北則有土平河之水自西南來注之又東逕交河縣南

又東北至天津府青縣之杜林木村與滹沱河合一統志杜林鎮在青縣南

七十里南接交河縣界滹沱漳河至此合流磁州志謂之杜梨木蓋聲音之訛謹案李光地勘漳河覆疏老漳河至青縣之林

木鎮與完固口之支流合支流即滹沱別河也新漳水自衡水縣下合滹沱會流於獻縣其下為子牙河雍正四年怡賢親王

慮運河水漲堵塞完固口而滹沱支流不與老漳河合矣又東北至鮑家嘴入於運河其合

處曰岔河口亦曰汧河口此漳河之經流也承經注漳水又東北迺阜城縣故城

北又東迺建成縣故城南又東左會滹沱別河故瀆又東北合清河謂之合河口方輿紀要青縣衛河

在城東一里自興濟縣流入境合於滹沱亦名御河亦名永濟

河一統志衛河北入青縣界合滹沱河經縣東門外安瀾志鮑

家嘴引河在青縣城東南往時漳河會滹沱河自康熙三十六

年全漳入衛為滹沱滏陽二河會流之道雍正四年於獻縣之

完固口築隄遏滹沱改流大城靜海之子牙而鮑家嘴之流遂

絕謹案滹沱河自河間府獻縣分流逕交河縣抵青縣南七十

里杜林鎮復合康熙三十六年漳河自大名府元城縣流經山

東東昌府館陶縣西南入衛五十四年築隄遏之全漳入運惟

在館陶而鮑家嘴之流遂涸雍正九年堵完固口而滹沱之流

亦斷漳河自河間府交河縣界來至杜林鎮與滹沱河合又北

至青縣南二里鮑家嘴合於衛河其合處曰汧口水勢洶湧

闊數十丈子牙河即滹沱河下流其自青縣西南來合漳河者

江北運程

卷六

乃樂成之滹沱別河。舊志以子牙爲支水而入漳者謂之正流。非也。又案魏書地形志浮陽郡西接漳水。衡水入焉。今謂之合口。禹貢錐指。縣界清河。本西漢大河之經流。王莽時河徙。清河由此北。會漳水。故酈道元云。清漳二瀆。河之舊道也。合口在今青縣二里。接滄州界。觀此。則今昔水道不甚懸殊矣。亦卽古浮水入海之道也。水經河水篇。河水左會浮水。故瀆。故瀆東絕大河。故瀆。浮水又東北入東武陽入河。蓋舊從滄州東北入海。不知何時改從東武陽入河。在當時已謂之故瀆。注所謂浮水出入津流。同逆混併是也。清河由此分支入海。卽浮瀆矣。又水經

江北運程

卷六

三

濁漳水篇。又東北過章武縣。西酈注。清漳自章武縣故城西。故澱邑也。枝瀆出焉。謂之澱水。東北逕參戶亭。參戶或作參后誤應劭曰。

平舒縣西南五十里有參戶亭。故縣也。世謂之平魯城。枝水又

東注。謂之蔡伏溝。又東積而爲淀。一水逕亭北。禹貢錐指。青縣

宋爲乾甯軍。本漢參戶縣。兼得章武縣地。縣南有參戶縣故城。

卽酈注所謂參戶亭也。青縣新志云。澱水東北流逕天津鎮東

南十里。爲大直沽。勢平衍。羣流溢漲。茫無涯涘。故得厥稱。通漕

類編。萬厯中。科臣王德完奏。漳河水患蔓延。故道宜復。其變有

二。其患亦有二。其策則有三。二變者。何。蓋漳水經臨漳三臺口

迴龍鎮及大名南關至小灘入衛濟運。漳之故道也。一變於十七年。則河決小屯。東經魏縣元城抵館陶入衛。其害小。再變於二十五年。則河決高家東呂彪河。合流經廣平肥鄉承年。至高周入泲水。同流至青縣口方入運河。其害大。所謂二患者何。蓋泲水不勝漳而今納漳。則狹小不足收束。巨浸病溢而患在民。衛水昔仰漳而今舍漳。則細緩不能掃捲沙泥。病涸而患在運。所謂三策者何。一塞高家河口。導入小屯河。費少利多為上策。一仍迴龍鎮至小灘入衛。費巨害小為中策。一築呂彪河口岸隄障水。固不資利。亦不罹害。為下策。此漳河徙治之大較也。河

江北運程

卷六

三

渠紀聞。順治九年。漳河北徙。按漳水至涉縣清濁合流。經臨漳分為二。一北流入滹沱。一東流至館陶入衛濟運。明宏治至隆慶間。出沒不常。自萬曆中。北徙入曲周滏陽河。館陶之流絕。至是忽北徙。自廣平縣逕元城縣之賈家莊。直注邱縣。分為二道。

一從縣西逕廣宗縣入滹沱。一從縣東逕青縣北入運河歸海。

此新衝之支流。非其故道也。

簡按逕青縣而北入運河。卽由鮑家嘴入運之支也。實則俗稱老

漳河。安瀾志言。順治九年。漳河自廣平縣之杜村。經元城縣賈家莊。復達廣平之平固店。直注山東邱縣。分為二支。一折而西北。由廣宗平鄉鉅鹿抵甯晉。會滏陽河。至冀州合滹沱河。俗曰新漳河。一折而東北。由威縣清河南宮棗強故城武邑景州阜城交河。至青縣出鮑家嘴。又康熙三十六年。漳水復至館陶分入運河。俗曰老漳河是也。

流入衛濟運。按漳河萬厯中入盜陽河而館陶流絕。漕舟逾期不至。至是忽混混而來。分流仍由館陶入衛。漳衛匯流。舟行順利。無膠涇之虞。翁河效順。百餘年罕有之遇也。嗣康熙四十五年。濟甯道張伯行請引漳自成安縣柏寺營通漳之新河。接山東館陶之沙河。古所謂馬頰河者。疏其淤塞。使漳水暢流入衛。衛水盛則牯河之水不致建瓴直瀉。沿河古淺得水。不復阻運。

至四十七年。入邱之北流盡塞。全漳入於館陶。

簡按入邱之上流塞則鮑家嘴

下流之滯可知。安瀾志亦言。康熙三十六年。漳水復至館陶與衛河合。此後北流寢微。四十七年。入邱縣之上流盡塞。而全漳歸衛。五十年。復於館陶築隄以逼之。而邱縣之東支遂滯。上游日就湮廢。邱縣之東支卽拆而東北至青縣鮑家嘴。俗曰老漳。

江北運程

卷六

言

河之一支也。又乾隆六年。開通漳河故道。浚德州等處支河。宣洩漳

衛汶入運。漲發之水。由鉤盤河達老黃河入海。

簡按漳河故道支派甚夥。是年

祇於元城縣和爾寨村北河溝與漳河故道相連者。禁民堵築。其由鮑家嘴入運一支及其他故道。均不可復。全漳仍由館陶入。按此因全漳入衛而開復故道也。漕河自臨清以下。建瓴北

注。旣不能建瓴收蓄水勢。止恃衛河一水濟運。涓涓細流。走而

不停。水微沙淺。糧艘至此。阻滯經時。自前明以來。漳水北去。濬

衛疏泉。官窮於智計。民困於力役。艱苦不可名狀。及引漳入衛。

而揚帆直上。衛無淺涇之虞。漳有分流之益。至流行旣久。衝刷

通暢。正河漸淤。漳合衛汶三水會流。奔湧而下。衛河每有漲溢。

至是。乾隆三年河督白鍾山議復漳河故道。疏稱引漳入衛。自康熙

四十五年濟甯道張伯行請引漳濟漕始。迨後全漳歸衛。漳衛

合力並馳。排山倒峽而來。一綫衛河。勢難容受。由是於德州哨

馬營建埧開河以分其流。而沙水易淤。引入鉤盤河形勢不順。

難以直達。終不免淤墊。惟查直隸威縣有漳水支河一道。名清

陽江。又名黃路河。由清河縣歸天津入海。西有正河一道。由甯

晉大陸澤歸天津入海。擇其易浚者疏復一處。使漳有歸海之

路。再於館陶相度地勢。建埧以時節宣。簡按白疏約舉故道二。於鮑家嘴入運未之及。

欽奉會同勘議。鄂文端公爾泰議於邱縣城東老沙河卽古馬

江北運程

卷六

頰河。河形寬闊至七八十丈不等。由此開復故道。河身內路兩

莊軍營村等處淤段不遠。亦易爲力。自和爾寨村接下開挑十

餘里至漳洞村歸入舊河。溜勢稍順。工費亦省。卽於新河頭東

流入衛處建埧啟閉。俾漳水盡歸舊河。至青縣鮑家嘴入運。由

天津歸海。山東直隸境內運河六百餘里。可避濁水淤墊。沿河

居民永免淹浸。簡按鄂疏始有至鮑家嘴入運之議。疏在乾隆四年。直督孫文定公嘉淦

復奏。漳河支派。臣歷青縣交河等處查勘。河形淺狹。阜城有柳

株橋跨河。牯口僅寬十一丈有奇。自此以上。河身漸堙。今欲引

全漳之水俱歸於此。不能容納。必須挑浚。所費不貲。且運河終

不能不需漳也。衛水力弱，不勝漕舟。自引漳入衛，漕舟通行。若漳復故道，衛水不足濟運。且漳水終不能不歸運也。於邱縣雖能分之使出，至青縣不能不引之使入。漳衛同流，有四減河以洩之。若復故道，則減河無庸。集全力以突入下游，焉能保固。今漳河不歸故道，於運河原無害也。負舟而走，水大則行速，刷沙而行，水大則不淤。自設減河以來，大隄從無漫溢。現今運河兩岸淤土漸滿，險工皆化爲平。經營甫就而棄之，別圖似非行所無事之義。洵按孫疏亦在乾隆四年。至青縣不能不引之使入，謂由鮑家嘴入運也。直隸總河顧琮

江北運程

卷六

三

道連。村民將河身築隄橫截，雖有河渠，中多阻塞。請將此河口不必堵塞壅水，留天然埧口，飭令地方官嚴禁築埧，聽其宣洩以分水勢。又自鉤盤河入老黃河處，至海豐小泊頭潮河，令直東兩省俱挑挖支河，以洩暴漲。仍令臨清恩縣、夏津、武城、德州

一帶民堰修築整齊，以備大汛。河岸寬平者，估築遙隄以防暴

漲。地方官領帑承辦，工竣交民修守，部覆如議。洵按顧疏在乾隆五年，蓋議定

後於次年興辦原疏全文載卷十二。曰漳條下疏中前一段論鮑家嘴入運故道不可復，甚悉並摘錄於此，以便省覽。言漳河

支流一道自邱縣之隄上村起，抵青縣之鮑家嘴，會歸運河之處舊跡尚存。惟是和爾寨東起至青縣鮑家嘴入運之處，計程六百餘里，深淺寬窄不一。而景州阜城交河各州縣無數支河積水匯歸，悉由鮑家嘴而出。河身久淤，兩岸居民較前稠密。

若益以全漳之水別無減河可以分流勢難容納鮑家嘴以下之青縣靜海天津城社堪虞則漳水改由故道於直隸不能無患此仍開河築隄之說而變通其用而勢亦有不得不然者衛

水力弱漕舟浮送不能不藉漳流疏通減河亦能宣洩漲水德州上流所匯以老黃河爲要津河在德州城南二十里自西南環於東北經吳橋甯津東光南皮至海豐大沽口入海北岸陳公隄橫障河濱綿互數縣漫溢之水遶隄而行爲高阜所阻灌入吳橋以北之東光等縣直至滄州入海直東州縣並受其害開哨馬營新河穿陳公隄由曹家決口放水通鉤盤河入老黃河歸海兩岸遙隄相距百丈以爲備防德州四女寺滾垣之水

江北運程

卷六

七

亦由鉤盤入老黃河下洩旣不爲患東境亦不貽害鄰封因舊制落低坵底開通引河展寬口門與哨馬營減水分流同歸而宣洩有資矣自是而下滄州之捷地坵青縣之興濟坵並疏通支河以洩暴漲又築臨清恩縣夏津武城德州一帶民修隄堰未聯屬者借帑興修使漲水不能漫入層層防護無憂三河之溢漕運得水負舟行速刷沙不淤若引漳歸故建牯於館陶以司啟閉地利不宜人力難施漳水浩瀚漫灘而來非一牯所能節制卽固牯以收束東久而北上之勢大東下之流必緩水緩沙淤大爲漕患非人所能操縱也筒按自是漳河由鮑家嘴入運之議遂罷白鄂孫願

四疏全文俱載卷
十二日漳條下

國朝方觀承停修鮑家嘴等工疏前奏子牙河故道如黑龍
港杜林鎮上承阜獻一帶之沙河補陀河樂河漫河亭子河
諸流並南宮棗強故城阜城東光交河等州縣漚水均以鮑
家嘴為歸入南運河出路請於盤古廟西北十里窪之金家
營挑引河一道使昔之下注鮑家嘴諸水折入東支黑龍港
由新河口穿獨流壘道歸入子牙河即以挑土堆築西岸成
隄嗣祇議將盤古廟至鮑家嘴開河築隄其十里窪黑龍港
挑濬各工未經列入茲臣覆勘黑龍港杜林鎮匯上游諸水
下注多在六七月間正值南運河盛漲不但內水不能洩入
運河兼恐運漲倒灌北抵杜林為患仍應於十里窪開挑引
河導入東支黑龍港由于牙故道歸河臣與阿桂再四商酌
請照原奏辦理計挑十里窪引河長一千三百餘丈面寬四
丈至八丈底寬三丈深二尺至九尺河口建木橋一座並將
盤古廟至引河口淤淺及夾河隄兩溝挑濬其引河兩岸隄
工共長二千六百餘丈應築底寬三丈六尺面寬一丈二尺
高六尺夾河西隄應間段修補湊長四百八十餘丈又東支

江北運程

卷六

三

三里左柳黃屯縣青

天津府志青縣東路有柳黃屯恂按安瀾志作柳苗屯

五里團魚口縣青

五里談官屯縣青

天津府志青縣東路有譚家屯畿輔義倉圖青縣城東有十字

街倉譚缺屯西北距十字街倉十二里。

五里。兩岸。青縣。鶴子口。

天津府志青縣東路有窯子口。畿輔義倉圖跨河兩岸均有窯

子口之名。河東窯子口。西北隔河距西岸十字街倉十五里。河

西窯子口。東南隔河距東岸與濟鎮倉亦十五里。衙按相距不

遠。有周官屯。輿程記言與濟縣北十里至周官兒屯。又二十里

至青縣。畿輔義倉圖在窯子口東南。南距與濟鎮倉八里。

五里。青縣。雙廟。

天津府志青縣南路有雙廟廬。

江北運程 卷六

无

五里。左岸。青縣。與濟鎮。有北減水河。

天津府志青縣東路有與濟鎮。畿輔安瀾志衛河逕滄州城西。

又北流逕千屯入青縣東南境。又東北流逕與濟鎮。則有北減

水河之水出焉。謹案與濟故縣。本朝順治六年併入青縣。與

濟鎮在青縣東南三十里。卽故縣也。嘉慶九年。河流淤淺。與捷

地減河並濬。川瀆異同漕河至滄州城西。又北四十里。經興濟

縣城西。自興濟縣西北流四十里。經青縣城東。方輿紀要興濟

縣。宋清州范橋鎮地。大觀初。改置興濟縣。金初屬滄州。大定六

年。改屬清州。元省。尋復置。屬清州。明初。改屬河間府。一統志興

濟故城在青縣東南三十里衛河東岸本范橋鎮地金初置縣屬滄州大定六年改屬清州元至元二年併入會川縣後復置屬清州明初仍屬滄州本朝順治六年併入青縣畿輔安瀾

志興濟引河一名北減水河亦明宏治中開循按捷地引河一名南減水河明宏

治中開此承上交故云亦首起青縣興濟鎮東北流逕北蔡家莊入滄州東

北境又東北逕乾符城南又東北流逕桃園又東折南轉凡二十里其流散漫入於小西河會南減水河人於海謹案南北二

減河循按南減河詳見下卷滄州捷地鎮明宏治中開後湮塞牯石猶有存者

本朝雍正三年衛河溢決十三口四年興修水利因其遺跡重

江北運程

卷六

三

濬磚河一百二十里原長一百九里興濟河八十里原長九十二里各建滾水

埧引分水入海河滄州水勢藉以宣洩居民賴之乾隆二年青

一縣挑挖減河用地一十九頃三十八畝八分一釐零今北減水

河自衛河東岸起青縣興濟鎮之西馬官屯東流至上下五旗

新莊周龍莊打虎莊大杜家莊景臺堡清水泊南北蔡家莊入

滄州境之乾村有乾符城又東流逕謝家莊隆兒莊又東流逕

同居三聚館桃園蘇家園道口大蘇家莊又東流與南減水河

會於海河而東入於海面寬九丈底寬五丈深六尺至八尺不

等自大蘇莊以下盡平陸鹹鹼不毛之地舊有李村巡檢乾隆

二十年題請將興濟減水河專屬該員管理嘉慶十二年加高

埧底龍骨挑濬積淤又案說者以北減水河卽古平虜渠故道

以乾符城卽舊平虜地也然魏武所開平虜渠甚遠起自饒陽

因饒河故瀆而成此特其下尾耳又安瀾志北減水河土埧起

自青縣興濟鎮埧口至老隄頭止長八十三里雍正四年築直

隸總督李衛總河劉於義奏畧

乾隆二年

滄州捷地青縣興濟二減

河從前挑挖甚淺隄堰僅堆虛土並未夯礮經汎水雨淋河身

漸淤隄堰漸缺又兼石牖簸箕短促汎水過埧不足抵禦現將

灰土簸箕衝掀成坑請將捷地減河自埧口起至劉三家莊東

江北運程

卷六

止長一百七里全行挑挖兩岸隄堰可接築者依舊接築其逼

近河身之處應行展寬自風化店以下至劉三家莊以東隄工

應各寬五丈另行修築興濟減河惟蔡家莊大陂口河身淤淺

急需挑挖又滄青兩處石牖應接築石海漫八丈灰土簸箕入

深八丈再接建攔水八字金牆務使出入直導正流宣洩無滯

直隸總督孫嘉淦總河顧琮奏畧

乾隆五年

滄青兩減河隄岸逼近

河身單薄殘缺若全體幫貼需費太多惟就勢展寬幫培用資

捍禦應將捷地減河南岸自龔家隄起至夏家莊止展築遙隄

一道將舊隄拉成坦坡北岸自于家茶棚以下至夏家莊止擇

其單薄險要者加幫築成坦坡。秀礮堅固。卽就河中取土。將河身展寬挑深。興濟減河北岸自周龍莊起。至道口止。亦將舊隄拉成坦坡。南岸則自周龍莊以下至蔡家莊止。幫築隄坡。悉照北岸辦理。如此則上半截隄可以堅固。河身亦展寬深。汎水過牖可以無患。安瀾志興濟鎮北滾水埧在青縣東南三十里。興濟鎮北五里。運河東岸。河自埧口起。至大波口止。長九十二里。兩岸築有土隄。自埧口至界濠。青縣興濟巡檢管轄。自界濠至大波口。滄州李村巡檢管轄。嘉慶十二年。起高埧底龍骨二尺。謹案二埧徇按統捷地村南滾水埧言之俱前明創建。雍正四年。建修五空牖座。依時啟閉。嗣因運河汎水漫溢爲患。經總督楊廷璋奏請於天津縣城西添挖減河立牖座以資分洩。恭逢

江北運程

卷六

三

高廟南巡親臨閱定。止須將興濟捷地減河牖座改爲滾水石埧。將捷

地埧石落低一尺二寸。興濟埧石落低一尺。減水河先於乾隆

六年。在南岸清水泊蔡家莊二處設立涵洞。知縣周顧勳經理。

其後清水泊涵洞僅可疏水。而蔡家莊涵洞已廢壞無存。十七

年。三次水利案內。於牖口對岸裁灣取直。實存一百五里。因保

家莊河形甚灣曲故也。地勢北高南下。故牖埧俱係新岸。其西

岸築新隄六十丈。又於舊河內設攔水大埧一座。十九年。水冲

保家莊北岸新隄。漫溢三處。備料搶堵。嘉慶七年。以工代賑。修築兩岸要工。并挑濬捷地興濟減河。今北岸子來屯小吳家莊閻家莊南岸良口呂家橋有磚涵洞六座。北減水河曾於乾隆十一年疏濬。並無涵洞。考明實錄。嘉靖十年八月。巡按直隸御史詹寬言。河隄以草束土累築而成。故隄善圯。宜及時加土。以障其河。洪仍宜復興濟捷地二廂。以石登之時。其蓄洩。以殺其勢。方輿紀要。滄州減水河。宏治中建。以備衛河之泛溢。此二廂建置之始也。嘉靖十四年七月。曾翀奏。漕河自臨清而下。汶水與漳水淇水合流。北至青縣。復合磁漳諸水。經流千里。始達直

江北運程

卷六

三

沽。每大雨時行。百川灌注。其勢沖決散漫。請於瀛渤之上流。如滄州之絕隄。興濟之小埽灣。德州之四女寺。景州之泊頭鎮。各修復減水廢廂。引諸水以入於海。則大勢分而不爲害。報可。景州泊頭鎮廂。亦卽德衛哨馬營廂也。蓋因接壤。故各指所近之地爲言耳。總督溫承惠等奏。青縣之興濟埧。口寬八丈。足資宣洩。且土性堅實。兩岸隄工亦不甚殘缺。滄州捷地。亦口寬八丈。測量埧底。高出運河水面僅一尺五六寸不等。較從前開埧時所奏水深尺寸。河底約已淤高二尺。減河又間段淤墊。兩岸隄工亦多殘缺。應將捷地埧底龍骨起高二尺二寸。興濟起高

二尺。並挑挖減河積淤。培築隄工。以資捍禦。畿輔義倉圖青縣東南。境運河東岸有興濟鎮倉。

國朝孫嘉淦顧琮經理青滄減河下游疏青滄減河之水均
以歧口海河為歸宿惟減河尾間以下歧口以上中間窪泊
相連離海河二三十里不等年來已將兩河尾淤成高阜河
水至此不能驟歸歧口海河原有二支一支南向為南河頭
一支西向為西河頭又有旁支斜向西南西河正支緊與興
濟減河尾相對旁支緊與捷地減河尾相對誠為兩減河天
然歸海之尾間請將捷地減河自劉三家莊以東由船到溝
開通二百四十丈會於陳家燒車網地歸母豬港又由李金
溝開通一百丈通大溝窪張彥家溝流入長港再將西河頭
之旁支四百九十丈展挖寬深上接長港下接李連賓家口
則捷地減河之水可以直達歧口海河興濟減河從老隄頭
開挖一河長一千六百八十丈經沈家堂李連賓家口接西
河頭正支則二河尾均於李連賓家口會合通流直接歧口
海河可無阻塞之患倘按此奏在乾隆五年 沈聯芳論邦

江北運程

卷六

言

畿水利事宜一青滄減河仍宜改牖也謹按捷地興濟兩減
河自怡賢親王奏請設五洞減水石牖各一座至乾隆二十
六年

高宗純皇帝巡幸山東舟經牖口見運河水底水寬裕恐牖牆有所
壅蔽

諭令改牖為坻並將龍骨海漫落低一尺有奇三十餘年來暢流無
阻仰維

聖慮精詳固宜永遵弗替惟是運河河底邇年日漸增淤坻口漸形
低矮渾流所過如龍骨高則泥沙澄於下而不至旁流其淤

減河也輕龍骨低則雖遇小汛而泥沙悉行灌注汛期一過
淤積至於數尺故雖有歲修而淤多費少挑挖焉能盡淨此

減河之所以日就淺窄也籌議者總緣改坻之舉出自
敢輕議更張但今昔情形迥乎不同儻蒙據實陳奏仰邀

聖裁未
俞允因

時制宜俾青滄減河兩坻仍准改為牖座遇大汛則啟放洩
水水弱則閉板以濟運歲修既可節費而減河不至頻淤實

於河道生民均有裨益再查減河歷年久遠河身淤積殆滿
舊日河槽原寬八丈今僅存三四五丈不等河底較之隄外

高有丈許今欲從隄內開挖用力難而需費大若導從隄外

行水南行則築南隄北行則築北隄就一面現有之隄不過築隄一面其需費較省於開挖舊河河槽既深行水倍暢可收分洩之實濟惟以事關改作不敢妄議爰存其說以俟將來陳鍾祥與濟鎮與山陰沈雨川少尉詩等是艱難厯盡身相逢歧路倍相親何堪暑雨嗟行役恰喜清風來故人鴻爪數殘情易倦馬蹏經過迹皆陳殷勤卻謝壺飢惠話到家山未了因燕臺再夢集將至興濟望運河帆影詩竿影如林正灣環野渡橫帆從村畔轉水繞地中行風靜千艘穩波澄兩岸平我來緣乞米又復向春明按燕臺再夢集王萬唐師著陳玉基興濟寄懷家兄其年詩同君擊楫大江干共把離尊未忍乾一自風濤愁裏聽眞隣兄弟別時難雲連滄海鴻邊度月落滹沱馬上看君在家鄉定回首幾時書札到長安翟旭興濟旅店詩古縣荒寒傍衛河多年僕僕此經過優伶老得頭如雪猶抱琵琶唱豔歌

五里石家樓

青縣

天津府志青縣東路有石家莊

江北暹程

卷六

壹

十里安都寨

青縣

恂按都河防志作堵云安堵寨淺長六里畿輔安瀾志青縣運

河東岸南自滄州褚官屯擺渡口起入縣境于官屯周官屯馬

廠止北入靜海縣之唐官屯長五十九里西岸南自滄州褚官

屯擺渡口起入縣境戴家莊胡家嘴少西過鮑家嘴齊家圈流

河鎮林家莊翟家圈北入靜海縣之趙家窪長一百二十一里

河面寬二十三丈至二十七丈深一丈四尺至一丈九尺不等

又青縣運河隄東岸辰字號共長一百二十一里東岸自于官

屯南起林官屯止長十八里有奇分二十五段險工二第八段甯灣陡

立日興濟鎮渡口第二十段 西岸自河窪莊起至鮑家嘴止長
掃灣日小張家莊淺北坵

十六里分七十七段險工八段掃灣日劉家院縷坵第十段頂

沖外坑日花園後縷隄第十八段掃灣日邢家莊前土坵第二

十八段掃灣日姚家莊後遙隄第六十五段暨六十六段掃灣

日二道溝縷隄第七十五南接興濟北交唐官屯汛東岸自林

官屯起至後馬廠入靜海縣境止長四十里分五十五段險工

八第七段掃灣日譚缺屯西遙隄第八段掃灣日譚缺屯北遙

隄第十一段掃灣日柳苗屯北遙隄第二十三段掃灣日唐

家窯遙隄第三十一段掃灣日外八里塘月隄第四十六段掃

灣日界宿淺遙隄第四十八段掃灣日墜子前縷隄第五十二

段掃灣日後西岸自鮑家嘴起至北蔡莊止計三十二里分二

馬廠縷隄十七段險工六第一段掃灣日鮑家嘴縷隄第二段掃灣日鮑

家嘴北遙隄第八段掃灣日胡家莊月隄第十

二段頂沖掃灣日劉家墳月隄第二十段頂沖掃灣日自北蔡

南蔡莊北遙隄第二十七段掃灣日北蔡莊北遙隄

莊起至趙家窪止長三十二里有奇分五十三段險工九

灣外窪日蕭家莊南老坵第九段頂沖掃灣日流河鎮河岸第

十一段日元帝廟前縷隄第十六段頂沖掃灣日小屯西老坵

第二十六段頂沖掃灣日曲家莊縷隄第三十三段迎溜日馬

集縷坵第三十四段頂沖掃灣日林家莊北縷坵第三十五段

頂沖日張家官屯遙隄第四十六段迎溜頂沖日佟家園縷隄

自順治六年裁興濟縣歸併青縣河程隄岸自滄州褚官屯以

江北運程

卷六

三

北悉屬

右自唐官屯起至安都寨衛河經青縣境計程一百八里

上入滄州界青縣東境河道下接靜海西南曲折行至縣

志載青縣所轄河道隄岸共十三淺河東七主簿經管五
日八里塘淺長十四里日李家淺長五里日柳巷淺長五

里曰安家淺長十里曰流洪淺長十里巡檢經管二日王家淺長六里曰安堵寨淺長六里河西六主簿經管三日新莊淺長三十里曰流河淺長二十里曰留小淺長二十五里巡檢經管二日李家淺長二十七里曰運坊淺長四十里曰磚河淺長十五里又披萬里雲程唐官屯六里趙官屯六里費官屯六里流河驛八里馬廠二里北蔡村二里南蔡村三里魯官屯五里二十里屯十里二陽五里大陽二里青口三里青縣三里陳欽屯七里團魚灣五里譚家屯五里鶴子口四里張家莊六里興濟鎮五里高官屯十里褚官屯計自唐官屯至褚官屯共一百三里

河入直隸界移徙分合不常有數故道在青縣境由鮑家嘴入運者其一也

詳本卷鮑家嘴條

安瀾志載各故道甚詳並錄

江北運程

卷六

三

西入邯鄲縣東境之南大屯東北流逕沙河堡西張萊入

永年縣西南境之裴家堡又東北流逕孩兒寨關兒寨吳

良寨與東一支合一自州東入邯鄲縣東境之史家莊東

里堡西里堡又東北流逕北漳村又東北流逕賀家東里

堡李家東里堡邢家東里堡小賈莊高里堡辛安鎮入肥

鄉縣西境之呂家堡又東北流逕毛演堡謝家店入永年

縣東南境之吳良寨與西一支合又東北流逕西關寨出

境又屈逕肥鄉縣境之西北隅復入永年縣東境之王呂

寨甄家莊入曲周縣西南境之白灘店逕滄陽集橋入於

滄謹案此二支雖云支流然地逼西南與磁州切近三臺口決患首及之故敘於諸故道支河之前循是而東成

安其次矣。白灘一支自廣平府成安縣亦村首受河南店又名白町店。

臨漳縣東北流之水。東流逕柏寺營。又東流逕西抹疇。又

東流逕艾東村。入廣平縣西南境之南溫村。又東流逕北

高曲李家高曲。又東北流逕紫荆山。入大名府魏縣北之

義井村。則有朱家河下之支水入焉。又東流五里。入廣平

縣西南境之西堡。又東流逕四寺莊。又東流入大名府元

城縣西南境之李甯村。又東流復入廣平縣西南境之杜

村。又東流四里逕婆婆留村。又東流入元城縣西境之沙圪

塔。而入山東館陶縣西境之孟兒寨。又東北流至南館陶

江北運程

卷六

三

鎮俗名秤鉤灣。入於衛。謹案此一夷乃漳河之決而東流者非北流正派也。成安縣志漳河

在縣南卽此是也。今故道猶存。明萬厯間知廣平縣陳

鑿漳水議畧。漳河漢唐以前其治勢以黃河繞大名出河

間達於海。則黃河深廣而漳水易洩。所以消息而不爲害

宋元以後其治難以黃河繞徐州至淮安入於海。則河身

淤淺而漳水難洩。所以散漫而不可制。在今日尤甚。宋元

漳河南決。從大名西出。自臨漳繞魏縣過府城之南。由艾

家口入於衛河。其流久其河深。此故道也。邇則向南之河

忽湧成洪。北決自臨漳過魏縣從元城以達於館陶。此新

河之一派也。又自范佛堂南決一口泛溢而爲回流。魏與

元城均在回流之中。而廣平西南若柳村屯龍兒莊南溢

油房等村泛則苦板蕩。淤則爲沙礫。必也相地勢畫經界

立邱甸深溝。洩時蓄洩播嘉粒水一泛溢則散於五縣溝

渠水一乾涸則取爲萬井蓄積斯沙礫變爲沃

土板蕩登於衽席矣。婆留村一名薄頭村。一支自成

安縣亦村折而東北流。逕縣城東馬頭。又東北流。厯吳家

灘固子村而入肥鄉西南境之吳家堡。又東北流逕城南伏邱山折而東北流逕三里隄。又東北流逕西張寨東張寨入曲周縣東南境之北高村。又東北逕老營村河固村安兒寨分爲二。一支自河固村西之李莊逕四夫人寨北馬遂新楊莊第四疇蔡上寨五間房而西北入雞澤縣東境之羅官營經韓甯村復入縣境於目口之北以達於平鄉縣西南境之長河鎮下入鉅鹿縣南之賈莊而流絕。謹案此河明成化十八年東決自麟兒村至蘇家莊入廣宗界而舊漳河無水廣平縣志馬鹿村在縣北十五里久不行水古岸猶存平鄉縣志順治九年鉅邑於賈莊前築橫隄一道平邑受害則知其流已斷矣一支自河

江北運程

卷六

五

固村東北流逕小新寨小連寨小第入北龍堂。又東北流逕張逸村。則有自山東館陶縣北出至縣東北王固村之

支河流入焉。又北流入順德府平鄉縣南境逕麟兒橋是

爲小漳河。

謹案方輿紀要漳河在南和縣東北自平鄉縣合沙洛諸流入縣境又西北會於豐河而入任

縣豐河上源卽百泉水自邢臺縣流入任縣境漳水及沙洛諸川俱流合焉又東北入隆平縣之大陸澤明實錄武

宗正德元年濬滏陽河景泰間漳水并入漫流衝曲周等縣沿河各築隄以防泛濫成化間舊河淤塞於村之西南

衝決爲新河合沙洛等河入穆家口兩岸亦築隄備之宏治初漳水徙入御河民棄隄不修近年漳水復入新河西

岸地皆淹沒任縣人高陽等以爲言下巡撫官勘處至是具奏言穆家口乃眾河之口請從此先濬乃并濬舊河新

河分流以殺其勢隄岸亦漸加修築一統志漳水舊在平鄉鉅鹿之東廣宗之西有大小二河亦謂之新舊二河新

河分流以殺其勢隄岸亦漸加修築一統志漳水舊在平鄉鉅鹿之東廣宗之西有大小二河亦謂之新舊二河新

河爲大河在舊小河東小漳河亦名劉累河皆注大陸澤
明天順中漳河徙入運河北流之道幾絕萬歷三十年漳
河徙入滏陽自是折而西北入任縣界二河漸成平陸
本朝康熙中又東徙自邱縣北逕廣宗之西鉅鹿之東注
甯晉泊所謂新漳河也近年上游逕由館陶入衛不入滏
陽矣劉累河首起永年縣滏陽河入牖之水往時漳河決
入滏陽故土俗亦號斯河爲小漳其與廣宗鉅鹿之小漳
河判然二水大小不侔又北逕麟兒村

董固村蘇家莊入廣宗縣南境其東岸上自曲周陳家莊

正北入廣宗縣之南三周村又北流逕鋪上小莊霍城寨

五里莊陳村洗馬村青村觀村又西北流逕尹板臺村其

西岸自平鄉閭家莊正北入廣宗縣之燒窰莊折而東北

流逕太平臺小柏社東臺村又折而西北流四里逕尹板

江北運程

卷十六

早

臺村北入鉅鹿縣南境之花窩村又北逕張王町王六村

馮家寨蘇家營又曲而西北逕臺頭紫城北屋伏君廟

謹案

方輿紀要引舊志云縣北十里有鉅鹿城縣本治此唐垂
拱初因漳水爲患徙縣於東南隅卽今縣治劉昫志貞觀
初鉅鹿縣治東府亭城嗣聖初徙今治垂拱卽嗣聖之明
年舊城當在東府亭城宋國史云元豐以後大河益徙而
北大觀二年河決陷鉅鹿遷縣於高地而志不載今城蓋
大觀中所徙矣考宋史河渠志大觀二年五月丙申邢州
言河決陷鉅鹿詔遷縣治於高地又以趙州隆平下
涇亦遷之宋史未嘗失載也伏君廟一名府君廟入冀

州南宮縣南境之杜家常路又東北流逕小周家村大周

家村入新河縣境又北流至隆平縣與滏陽河會入於甯

晉泊其下流則今新漳河胡盧河所行之道也川渠旣斷

非復纏絡矣。

謹案漳河分支起自磁州東北歷廣平府之邯鄲永年成安廣平等縣下至冀州新河縣

止自元泰定帝致和二年即明宗之天歷元年已入境

迄本朝康熙五十五年丙申而流絕凡三百八十九年明實錄英宗正統三年直隸廣平順德二府奏漳河決蓋二府之境相連屬也

循按甯晉泊詳下卷八末又有漳河故道或云南枝溝漫水也上無河形由四劉屯雙

井集逕中橋村前馬河後歸元城縣之三里引河

馬河今淤疑卽

宋時所引漳水注老漳河漳河正流故瀆也自成安縣亦

離馬河故道也村東流至沙圪塔入山東館陶縣西河寨折而北復入直

隸廣平府廣平縣東上無河形蓋其流久斷矣

方輿紀要漳河在館

陶縣西南五十里自北直大名府流入縣界經南館陶鎮又東北逕邱縣合衛河後魏孝昌三年源子恭討葛榮於

江北運程

卷六

望

信都行至陽平東北漳水曲敗死卽此自廣平縣東蘇兒

志云今漳水所經卽屯氏河故道也莊逕張東村平固倉而入曲周縣之東西三塔村東與館

陶之小沙窩接界又北逕西陽固蔣莊土路村分爲二

一出山東邱縣之東北一出邱縣之北其北流入曲周縣東

境由陳家莊與張遂村之流合下流卽平鄉縣之小漳河

也其東北流者入曲周縣之黃河套逕香城固又分爲二

一支東北逕威縣南之蔡家寨司新莊小油房入山東冠

縣之梨園頭復斜入縣境之東堂村第三口而流絕

謹案舊時

漳河由此合其入衛之道必經清河縣之南而志畧之威縣之第三口下至邵固集卽接縣隄今河流已斷者明宏

治中清河民宗安等請築堰水隄以障衛河在新集洪河南去縣三十里東自御河厓西至鮐隄長五十里漳河之流惟由西北一支所謂洛河故道者是

一支西北出曰洛河故道亦曰黃河枯槽實漳水支流也土俗稱之曰趙旺河上起曲周縣之

北劉村斜入冠縣西南之梨園頭北逕威縣之河窪村又

北逕廣宗縣之油布村丁家莊復入威縣之小高廟又逕

鹿臺村于隄村宋家寨徐家莊至趙村而下入冀州南宮

縣之河溝村其下曰開河渠始有黃盧河之名亦曰清陽

江北劉村卽劉上固威縣西北八里有廣宗王廟俗稱大高廟小高廟方輿紀要威縣漳水舊在縣南自曲周縣

界流入杜佑曰洛水縣南有衡漳瀆是也今漳流決徙不一故瀆遂涸威縣志縣北至清河接南宮有黃河枯槽寬

江北運程

卷六

聖

五里相傳古黃河去曲周縣東五十里仁義社自邱縣界入威縣界今湮廢又洛河故道一支自漳河東流入廣宗縣界經威縣城南五河窪村東南達於黃河與運河合流卽黃河枯槽蓋由清河縣東之蔡河以達於運其在清河縣者自山東臨清州之牛家寨西接廣宗縣界東北

入縣西之梨坑村逕漢信成縣故城南又東流逕王家莊

又東逕疏水渠之石碑口又東流折而北入冀州南宮縣

之亭上村東派別出一支曰蔡河下入山東武城縣又東

北流至張寬村入南宮縣界今涸謹案冀州志漳河渾濁所過輒淤舊河旣難復

循而性又湍悍奔激橫噬旁突不就約束故或南或北遷徙靡常時月之間便已改易安能與現在形勢相合自此

而下亦姑舉其大畧而已其正流自南宮縣東南之馬村北謹案古漳河在南宮

縣東南七十里之和生社自清河北界流入縣志云濁漳貫南宮入冀州海子葉恆嵩曰南宮夷曠無高山大河故老稱澤瀆濁漳下流必達信都今皆壅閼治作田禾水無所出既已沈溺故城匯爲大壑恆雨卽平陸化爲巨浸南宮交困嘗觀地形自高家莊孟家村抵冀州王村左折新河窰上村東入鹽河一帶七十餘里皆順流卑陷故道依然有善爲籌策者度工用準高下索遺跡而穿之不啻免害利亦興矣

逕棗強縣之東北與

河間府故城縣接界北入武邑縣之東南又北逕景州西謹案一統志張甲故瀆在故城縣及景州界舊志在景州西七十里東北入阜城界考此卽老漳河所行之道也又云漳河李家河樊家河俱在城東北導水入窪之路考張甲河由棗強縣東南來至州東北順政鄉合於漳河今棗強縣志無張甲河有黃盧河是卽古黃河之所逕河去而漳循其故道景州則猶存張甲之名一統志所云漳河爲導水入窪之路則其岔支也

又北逕吳橋縣東又北逕東光縣西又東

江北運程

卷六

北逕阜城縣西北則有土平河之水自西南來注之又東

逕交河縣南

謹案此卽古漳河所行之道縣志謂之泺水漳泺本同稱也志又云泺陽邑名未知何據

一統志此漳河自邱縣分流獨行歷故城景州阜城交河諸境與武邑縣西之胡盧河絕不相涉舊志謂卽胡盧河誤又漳河未入交河之先別有岔支一道自阜城蔣家莊入縣之常家巷由田家廟至夾河村東歸正河正河至佟家莊分出一支迤邐東南卽志載沙河而正河至三岔河又分一支迤邐東北卽志載倒流河考漳河現在形勢自阜城分支入境行六七里合流東行可二里許復分二支其一稍南東行與東光縣西北接界亦名沙河自縣東南歸於漫河長三十里其正支稍北經縣城南東北行逕城東之八尺高村張大窪之水入焉復東北行至西濟橋倒流河之水入焉復東行里許曰三岔口漫河之水入焉又東北七八里小營河之水入焉又東行四里許青縣之東北隅新挑溝之水入焉自此與滹沱河脈絡相通又東北又並東北行至高家莊入青縣長一百餘里今涸

至天津府青縣之杜林木村。與滹沱河合。謹案李光地勘
漳河覆疏老漳
河至青縣之林木鎮與完固口之支流合。支流卽滹沱別
河也。新漳河自衡水縣下合滹沱。會流於獻縣。其下爲子
牙河。雍正四年怡賢親王盧運河水漲堵
塞完固口。而滹沱支流不與老漳河合矣。又東北至鮑家

嘴入於運河。其合處曰岔河口。亦曰汭河口。此漳水之經

流也。謹案地理志清池縣西四十里有衡水漳隄。顯慶元
年築。寰宇記衡水漳水在廢乾符縣西六十里。皆在今

滄州界內。舊志謂今漳水自支河東北入青縣。不經州界
以州西至衛河。青縣界僅一百步。故屬青縣。非水道有改
也。考唐書循吏傳薛大鼎爲滄州刺史。疏長蘆衛漳三渠。
蓋長蘆卽胡蘆河一也。衛卽漢志絳水二也。漳卽濁漳三
也。簡按漳河故道正流已節載本卷鮑家嘴條
並互見卷八景州條下。復循序錄此以便通檢。新漳河

漳河之支流也。一名小漳河。自山東邱縣北出入直隸廣

江北運程

卷六

器

宗平鄉鉅鹿縣境。又北至趙州隆平縣爲清水河。入甯晉

縣之甯晉泊。謹案新河縣志清水河在縣西十里。由鉅鹿
出甯晉縣界繞舊城西北。又東北流至衡水

縣。達獻縣。單家橋入青縣。與御河合。又名小漳河。亦曰溢
水。考漳溢合流於甯晉泊。故或以漳爲溢也。然諸書多名
漳爲清水河。不與新河志同者。以昔年新漳挾
溢北出。後爲滹沱所奪。名之曰滹溢。匯流河。貫泊而出

南宮縣南。又東北逕束鹿縣南。深州西。又東北逕冀州王

家莊。與滹沱河合。又東北逕冀州隄。謹案冀州志漳河在
州西北二十五里。此

新漳河也。又云胡蘆河。此漳溢之會流也。在州西北二十
五里。志所云二河其方隅道里皆同。強列爲二。非也。畿輔

通志漳溢貫泊而出。達於冀州。自冀州而下。漳溢之名爲
滹沱。所掩而滹沱之目亦與胡蘆互舉。此言得之。今考冀
州境內城南西南有小乾河一。道上接南宮縣之韓家窪。自
州境內南王村起。由新河縣之寨上村。又入州境。下至衡

水縣止長七十里俗名小漳河卽濁漳分流也。又東北逕衡水縣之浪子橋。與胡

盧河長蘆水互受通稱矣。浪子橋卽郎子橋在衡水縣西南四十里方輿紀要漳水在冀

州西北二十五里逕南宮縣北又東流入衡水縣界亦謂之長蘆水今州西二里有長蘆溝蓋卽漳水支流也一統

志漳水逕衡水武邑二縣北入深州武強縣界卽古衡水及長蘆水故道也。又東北逕衡水縣

之石橋。又東北流逕武邑之圈頭。又東北流逕武邑之趙

橋。又東北流逕武強縣之小范店。衡水縣志石橋在縣西半里許武邑縣志圈頭

集在縣西十八里趙橋集在縣東北三十里武強縣志東太平鄉有小範店清漳迤其左。又東北逕獻

縣完固口分爲二。以下皆滹沱別支所行之道。蓋挾漳而

東北出者也。一由單家橋至淮鎮逕高川。至青縣之杜黎

江北運程

卷六

壘

木。與老漳河會。又至青縣南鮑家嘴歸運。恂按杜黎木卽上杜林木村一

統志杜林鎮在青縣南七十里南接交河縣界滹沱。一由漳河至此合流磁州志謂之杜黎木蓋聲音之譌。

臧家橋至河間縣之沙河橋。又逕龍花橋。至大城縣爲子

牙河。出王家口歸三角淀。雍正九年。怡賢親王奏請堵築

完固口。新漳二流皆絕。今所行者惟滹沱下尾耳。謹案新漳河所

行之道其來已久。自冀州以下爲滹沱所亂。然在武邑武強二縣間。酈道元已歷歷言之。水經漳水又東北過下博

縣之西。又東北過阜城縣北。又東北至昌亭。亭與滹沱河會。注經敘阜城於下博之下。昌亭之上。考地非比於事爲同。

渤海阜城又在東昌之東。故知非也。漳水又東北逕武邑郡北。魏所置也。又東逕武強縣北。而東逕武隧縣故城南。白馬河注之。水承滹沱東逕樂鄉城北。饒陽縣南。又東北


逕武邑郡北。而東入衡水。謂之交津口。衡水又東逕武邑

縣故城北又東北右會張平口故溝上承武強淵淵之西南有武強縣故治故淵得其名焉淵水又東南結而為淵又謂之郎君淵淵水北通謂之石虎口又東北為張平津澤水所透北決隄口謂之張刀溝北注衡河謂之張平口亦曰張平溝水溢則南注水耗則輟流衡漳又逕東昌故城北經所謂昌亭也俗名之曰東相蓋昌相韻合故致誤矣西有昌城故目的是城為東昌矣又東北左會漳沱故瀆謂之合口又東北分為二當其水決處名之曰李聰澳此衡漳之在深冀間者約畧如此今以漳沱會流而完固口又斷不復有漳之目矣 考地非北謂別是一地於事為同謂同是一名此處桑經所稱阜城縣安瀾志於酈注故知非也句下注云此是後漢安平國之阜城乃前漢信都國之昌成故注明其 此安瀾志所載漳河故道文也今清濁二漳入衛濟運河道詳卷十二。

江北運程

卷六

吳



江北運程卷六終

續苑命為閩縣其各謂水又東南而武強

